

"Macuarima, Historia of Leyenda" ta un obra cu ningun Arubiano mester keda sin wak!

ORANJESTAD (AAN) -- Excelente, e presentacion di e obra skirbi pa señor Ernesto Rozenstand "Macuarima, Historia of Leyenda" door di actornan di Mascaruba y di Mascajunior.

Diabierna ultimo, un vez mas DIARIO tabata presente den e sala di Cas di Cultura, y por a disfruta di un tremendo trabao escenico pa duna contenido na un obra hopi creativo y rico den personahe. Manera Sr. Rozenstand a describi e hechonan den su obra, muy posiblemente lo a sosode tempo cu e raiznan di e identidad Arubano a worde sembra pa e prome habitantenan di Aruba.

Riba escenario a representa e Culto di e Indiannan pa nan mortonan; e ritonan pa e Dios Solo y con e Cacique Macuarima tabata guia su tribu, sin ningun sorto di disturbio, pero mas bien basa riba respet mutuo.

E amor cu ta vence tur obstaculo, tambe por a mira den e obra unda cu e yiu di Macuarima a abandona su

tribu pa sigui Pluma Blanco, ya cu e pareha a enamora di otro perdidamente.

A traves di dialogo, canto, baile, y expresion corporal di halto nivel e papel protagonico hunga pa Ferdinand Franca y Joan Danies a proyecta dos tremendo actor cu ta priminti hopi den nos mundo di actuacion.

E preparacion pa e expedicion pa bin conquista e Mundo Nobo, tambe a worde treci riba escena magistralmente. Spaña muy fielmente a mostra grandeza artistico den un espacio chiquito, unda e baile flamenco sigur a conquista e publico.

Un bez mas Ferdinand Franca a saca su talento pa interpreta e Comandante Medina, y tabata un gusto pa scuch'e canta, wak'e balia "zapateado" cu ta nada facil, y duna e personahe su tono di humor y di homber cu tabata cuestiona cu den nomber di Cristo otro razanan lo mester worde somete.

E yegada na Aruba cu ponemento di bandera di Spaña y

